

Na osnovu člana 5. Zakona o novčanoj podršci u primarnoj poljoprivrednoj proizvodnji i Odluke Skupštine Bosansko - podrinjskog kantona Goražde broj: 01-14-464/09 od 19.05.2009. godine o usvajanju Programa „Podsticaji za poljoprivredu " u 2009.godini ("Službene novine Bosansko-podrinjskog kantona Goražde",broj: 6/09), ministar za privredu **donosi:**

UPUTSTVA ZA OSTVARIVANJE NOVČANIH PODSTICAJA U PRIMARNOJ POLJOPRIVREDNOJ PROIZVODNJI

1. OPĆI KRITERIJI

- (1) Uputstvom za ostvarivanje novčanih podsticaja u primarnoj poljoprivrednoj proizvodnji (u daljem tekstu: Uputstvo), propisuju se opći i posebni kriteriji koje moraju ispuniti pravna i fizička lica (u daljem tekstu : korisnik - klijent) za ostvarivanje prava na novčani podsticaj u primarnoj poljoprivrednoj proizvodnji (u daljem tekstu:podsticaj),uređuje postupak za njegovo ostvarenje,propisuje potrebna dokumentacija i obrasci,način njihove isplate,te obaveze koje korisnik mora ispuniti prije ili nakon ostvarenja podsticaja.
- (2) Podsticaj se ostvaruju za: poljoprivrednu proizvodnju (animalnu, biljnu,gljivarsku proizvodnju),ostali podsticaji u skladu sa Odlukom o usvajanju Programa „ Podsticaji za poljoprivredu“ u 2009. godini („Sl.novine Bosansko – podinjskog kantona Goražde“ , broj: 6 /09).
- (3) Svi korisnici imaju jednaka prava i mogućnosti učešća u ostvarenju podsticaja što podrazumjeva jednak tretman u pristupu,ispunjavanju uslova i korištenju raspoloživih sredstava u svim predloženim mjerama.

2. PRAVO NA OSTVARIVANJE PODSTICAJA

- (1) Pravo na ostvarivanje novčanih podsticaja ima korisnik koji ispunjava sledeće opće uslove:
 - a) ako ima prebivalište ili sjedište , odnosno ostvari primarnu poljoprivrednu proizvodnju ili poljoprivrednu djelatnost na teritoriji Bosansko – podrinjskog kantona Goražde,
 - b) ako je na propisanom obrascu u kantonalnom ministarstvu nadležnom za poslove poljoprivrede evidentiran za obavljanje poljoprivredne djelatnosti (registarski list poljoprivrednog proizvođača)
 - fizička lica obrazac broj 1.
 - pravna lica obrazac broj 2.

Koji su sastavni dio ovog Uputstva , a na osnovu kojih se ostvaruje pravo na novčani podsticaj do 15.10.2009.godine.

- c) ako izvrši upis u registar poljoprivrednih gazdinstava i registar klijenata u matičnoj općini i dostavi potvrdu o izvršenom upisu na osnovu koje ostvaruje pravo na novčane podsticaje nakon 15.10.2009.godine.
- d) ako dostavi Potvrdu nadležne kantonalne poreske uprave da nema dospjelih,a neizmirenih poreznih obaveza za predhodnu godinu, Potvrda Uprave za

indirektno oporezivanje BiH da nema dospjelih, a neizmirenih poreznih obaveza za predhodnu godinu (za obrtnike i pravna lica koja su u sistemu PDV-a),odnosno potvrdu da nije u sistemu PDV-a (za obrtnike i pravna lica koja nisu u sistemu PDV-a).

- e) Zemljoradničke zadruge koje imaju vlastitu proizvodnju, kao i njihovi zadrugari ili kooperanti, ukoliko su sa njima potpisali Ugovore o međusobnoj saradnji.

3. NAČIN OSTVARIVANJA NOVČANIH PODSTICAJA

- (1) Korisnik koji ispunjava opće i posebne kriterije propisane Programom i ovim Uputstvom za slučaj kada je to striktno navedeno podnosi zahtjev za ostvarenje podsticaja i potrebnu dokumentaciju kantonalnom ministarstvu privrede-Sektoru poljoprivrede, u roku koji je propisan za svaku proizvodnju.
- (2) Nakon obrade dokumentacije od strane kantonalnog ministarstva ,provjere i nadzora od strane ovlaštenih službenika kantonalnog ministarstva,odnosno kantonalnog poljoprivrednog inspektora,kantonalno ministarstvo će u rokovima propisanim ovim Uputstvom i na propisanim obrascima, zahtjev za isplatu podsticaja dostaviti ministarstvu finansija na isplatu.
- (3) U svakom zahtjevu za isplatu podsticaja kantonalno ministarstvo obavezno navodi ukupan broj proizvođača,ukupnu proizvodnju izraženu u jedinici podsticaja i konačan iznos podsticaja izražen u KM, uz Odluku o odobravanju sredstava za podsticaj Vlade BPK-a Goražde.
- (4) Sastavni dio ovog Uputstva su :
 - obrasci Zahtjeva za ostvarenje prava na novčane podsticaje
 - zapisnik o proizvodnjama
 - obrasci obračuna novčanih podsticaja za animalnu proizvodnju označeni brojevima od 1 – 7; obrasci za biljnu proizvodnju označeni brojevima od 8 – 15 ; obrazac br.16 za nabavka poljoprivredne mehanizacije i opreme označen je brojem 16.
- (5) U tabelama za obračun podsticaja obavezno se vrši razdvajanje proizvođača po bankama i filijalama

A/1 OSTVARIVANJE NOVČANIH PODSTICAJA U ANIMALNOJ PROIZVODNJI

A/1-1 Ostvarivanje novčanog podsticaja za proizvodnju svježeg kravljeg mlijeka

(1) Za ostvarivanje prava na podsticaj za proizvodnju svježeg kravljeg mlijeka korisnici moraju ispunjavati slijedeće posebne uslove:

- da mjesečno proizvedu i isporuče registrovanom otkupljivaču ili prerađivaču najmanje 100 litara kravljeg mlijeka, minimalne masnoće 3,5%.
- da imaju ugovor sa registrovanim otkupljivačima-prerađivačima, koji su u sistemu PDV-a imaju sjedište na teritoriji Federacije.
- da imaju mliječni karton, kao uslov za otkup mlijeka,
- da je imanje registrovano, a krave obilježene u skladu sa Pravilnikom o Obilježavanju životinja i šemi kontrole kretanja životinja („Službeni glasnik BiH“, broj 28/03).

(2) Visina podsticaja za proizvodnju svježeg kravljeg mlijeka je 0,15 KM/litru.

(3) Iznos podsticaja obračunava se na osnovu količine mlijeka isporučene otkupljivačima ili prerađivačima za svaki mjesec.

(4) Registrovani otkupljivači ili prerađivači su dužni u ime korisnika kantonalnom ministarstvu (Sektoru za poljoprivredu) **na Obrascu broj:1, najkasnije do 15-og u mjesecu za prethodni mjesec** dana od završetka mjeseca za koji se obavlja obračun podsticaja (odnosno mjesečni obračun za- januar, februar, mart i april najkasnije do 10.06.2009.godine), dostaviti u originalu ili ovjerenoj kopiji slijedeću dokumentaciju:

- a) kompjuterski obrađeni tabelarni prikaz obračuna otkupljenog mlijeka,
- b) pojedinačne ugovore o isporuci mlijeka za fizička lica (farmer- otkupljivač) ili za pravna lica (pravno lice – prerađivač).
- c) restere dnevnog - mjesečnog otkupa (fizička lica), ili fakturu za izporučene količine mlijeka (pravno lice).
- d) potvrdu nadležne veterinarske službe o praćenju zdravstvenog stanja životinja od kojih se uzima mlijeko (mliječni karton)
- e) potvrdu da je imanje registrovano, a krave obilježene u skladu sa Pravilnikom o obilježavanju životinja.

(Obrazac broj.1)

A/1-2-Prizvodnja svježeg kravljeg mlijeka – prenos iz 2008. godine.(decembar)

Pravo na podsticaj za proizvodnju svježeg kravljeg mlijeka za mjesec decembar 2008. godine korisnik ostvaruje u skladu sa Uputstvom iz 2008. godine.

A/1-3 Ostvarivanje novčanog podsticaja za uzgoj priplodnih junica

(1) Za ostvarivanje prava na podsticaj za uzgoj priplodnih junica korisnik mora ispunjavati slijedeće posebne uslove :

- da u vlastitom stadu uzgoji najmanje jednu junicu u toku godine,
- da je upisan u registar proizvođača kvalitetne priplodne stoke,
- junica mora biti gravidna najmanje 3 mjeseca,

- životinja mora biti pod stalnim nadzorom veterinarske organizacije u toku uzgoja ,
 - da junica služi za proširenje vlasitog stada ili se proda za dalju reprodukciju,
 - da je imanje registrovano, a junica obilježena u skladu sa Pravilnikom o obilježavanju životinja i šemi kontrole kretanja životinja („ Službeni glasnik BiH“, broj:28/03).
 - da podnese zahtjev za podsticaj Sektoru za poljoprivredu najkasnije do 25.09.2009.godine .
- (2) Sektor za poljoprivredu,odnosno ovlaštenu službenik je dužan u roku od 30 dana od dana prijave izvršiti obilazak korisnika i sačiniti zapisnik o uzgoju priplodnih junica sa navedenim brojem grla i brojevima ušnih markica za svako grlo,
- (3) Zapisnik o uzgoju priplodnih junica ovlaštenu službenik ulaže u predmet zahtjeva,
- (4) Visina podsticaja za uzgoj priplodnih junica je 200,00 KM/grlu.
- (5) Za ostvarivanje prava na podsticaj korisnik najkasnije do 01.11.2009.godine kantonalmom ministarstvu dostavlja u originalu ili ovjerenju kopiji slijedeću dokumentaciju:**
- a) popunjeni Obrazac zahtjeva za ostvarivanje prava na podsticaj,
 - b) zapisnik PS-,odnosno ovlaštenog službenika o uzgoju priplodnih junica sa navedenim brojem grla i brojevima ušnih markica za svako grlo,
 - c) uvjerenje nadležne veterinarske organizacije o izvršenom vještačkom osjemenjavanju i utvrđenoj gravidnosti od najmanje 3 mjeseca.
 - d) Rješenje o upisu u registar proizvođača kvalitetne priplodne stoke
 - e) kopiju certifikata o registraciji imanja i pasoša za životinje u skladu sa Pravilnikom o obilježavanju životinja i šemi kontrole kretanja životinja („Službeni glasnik BiH“,broj: 28/03),
 - f) izjavu vlasnika da će junicu-e zadržati u uzgoju naredne 3 godine.

(Obrazac broj.2)

A/1-4 Ostvarivanje novčanog podsticaja za držanje osnovnog stada ovaca i koza

- (1) Za ostvarivanje prava na podsticaj za držanje osnovnog stada ovaca i koza korisnik mora ispunjavati slijedeće posebne uslove:
- da u vlastitom stadu imaju najmanje 50 odraslih ovaca,odnosno 25 odraslih koza,
 - da su životinje pod stalnim nadzorom veterinarske organizacije u toku uzgoja,
 - da je imanje registrovano, **a životinje obilježene** u skladu sa Pravilnikom o obaveznom označavanju i upisu u jedinstveni registar ovaca,koza i svinja(„Službene novine Federacije BiH“,broj 87/07), **najkasnije do 30.06.2009.godine.**
 - **da podnese zahtjev za podsticaj** Sektoru za poljoprivredu, odnosno ovlaštenom službeniku u **kantonalmom ministarstvu najkasnije do 15.09.2009.godine.**
- (2) PS, odnosno ovlaštenu službenik kantonalnog ministarstva sačiniti će u roku od 30 dana od dana podnošenja zahtjeva zapisnik o broju ovaca odnosno koza u vlasništvu korisnika,

- (3) Zapisnik o broju ovaca odnosno koza ovlaštenu službenik ulaže u predmet zahtjeva,
- (4) podsticaj se isplaćuje za najviše 300 odraslih ovaca, odnosno 300 odraslih koza,
- (5) visina podsticaja za držanje osnovnog stada ovaca i koza sa obilježavanjem odraslih grla je 11,00 KM/grlu.
- (6) **Za ostvarivanje prava na podsticaj korisnik najkasnije do 01.11.2009.godine kantonalnom ministarstvu dostavlja u originalu ili ovjerenj kopiji slijedeću dokumentaciju:**
 - a) popunjen Obrazac zahtjeva za ostvarivanje prava na podsticaj,
 - b) potvrdu ovlaštene veterinarske organizacije o zdravstvenom stanju životinja Obrazac A/1-14),
 - c) potvrdu da su grla upisana u jedinstveni registar domaćih životinja u skladu s Pravilnikom o obaveznom obilježavanju,
 - d) zapisnik PS,odnosno ovlaštenog službenika o broju ovaca odnosno koza sa evidentiranim brojem ušnih markica za svako grlo,
 - e) izjavu vlasnika da će postojeći broj grla osnovnog stada zadržati u uzgoju naredne 2 godine.

Napomena:Vlasnici životinja (ovaca i koza) da bi ostvarili pravo na novčani podsticaj obavezni su grla obilježiti u skladu sa Pravilnikom o obilježavanju najkasnije do 30.06.2009.godine. Ovce i koze obilježavaju se ušnim markicama od strane ovlaštene veterinarske organizacije.**Troškovi obilježavanja odraslih grla (ovaca i koza) na koje vlasnici apliciraju u skladu sa ovim Uputstvom u iznosu od 1,00 KM/grlu biće uračunati u ukupan iznos obračuna novčanog podsticaja.**

(Obrazac broj.3 –osnovno stado ovaca i koza)

A/1-5 Ostvarivanje novčanog podsticaja za držanje pčelinjih društava

- (1) Za ostvarivanje prava na podsticaj za držanje pčelinjih društava korisnik mora ispunjavati slijedeće posebne uslove:
 - da u vlasništvu imaju najmanje 20 aktivnih pčelinjih društava u vrijeme obavljanja kontrole,
 - da su pčele pod stalnim nadzorom veterinarske organizacije u toku uzgoja,
 - da je podnio zahtjev za podsticaj za držanje pčelinjih društava PS,odnosno kantonalnom ministarstvu najkasnije do 15.06.2009.
 - da je pribavio izjavu općinskog ili kantonalnog udruženja pčelara o broju pčelinjih društava u njegovom vlasništvu,osim ako se radi o gospodarskom društvu.
- (2) PS, odnosno ovlaštenu službenik sačinjit će u roku od 30 dana od dana prijave zapisnik o broju pčelinjih društava u vlasništvu korisnika.
- (3) Zapisnik o broju pčelinjih društava ovlaštenu službenik ulaže u predmet zahtjeva,
- (4) Podsticaj se isplaćuje za najviše 150 pčelinjih društava.
- (5) Visina podsticaja za držanje pčelinjih društava je 10,00 KM/društvu.

(6) Za ostvarivanje prava na podsticaj korisnik najkasnije do 15.07.2009. godine kantonalnom ministarstvu dostavlja u originalu ili ovjerenoj kopiji slijedeću dokumentaciju :

- a) popunjeni Obrazac zahtjeva za ostvarivanje prava na podsticaj,
- b) potvrdu kantonalnog veterinarskog inspektora , da na području kantona odnosno općine nije utvrđena – prijavljena Američka kuga(trulež pčelinjeg legla), a ako je utvrđena- prijavljena, potvrda se izdaje za svakog korisnika pojedinačno ,
- c) izjava općinskog ili kantonalnog udruženja pčelara u kojem je korisnik učlanjen da materijalno i krivično stoji iza podataka o broju pčelinjih društava u vlasništvu korisnika, osim ako se radi o pravnom subjektu registrovanom za tu djelatnost,
- d) ovjerenu kopiju rješenja o upisu u sudski registar- za pravna lica,
- e) zapisnik PS, odnosno ovlaštenog službenika o utvrđenom broju pčelinjih društava,

(Obrazac broj.4)

A/1-6 Podsticaj za držanje matičnog stada krava (mliječna grla)

(1) Za ostvarivanje prava na podsticaj za držanje matičnog stada krava korisnik mora ispunjavati slijedeće posebne uslove :

- da u vlastitom stadu drži najmanje dva mliječna grla,
- da su životinje pod stalnim nadzorom veterinarske organizacije u toku držanja,
- da je imanje registrovano, a krave obilježene u skladu sa Pravilnikom o obilježavanju životinja i šemi kontrole kretanja životinja („Službeni glasnik BiH“, broj 28/03).

- da podnese zahtjev za podsticaj Sektoru za poljoprivredu, odnosno nadležnom kantonalnom ministarstvu najkasnije do 30.09.2009.godine.

(6) Sektor za poljoprivredu, odnosno ovlaštenu službenik je dužan u roku od 30 dana od dana podnošenja zahtjeva izvršiti obilazak korisnika i sačiniti zapisnik o utvrđenom broju mliječnih grla i brojevima ušnih markica za svako grlo,

(7) Visina podsticaja za držanje mliječnih grla iznosi 100,00 KM/grlu.

Za ostvarivanje prava na podsticaj korisnik kantonalnom ministarstvu dostavlja slijedeću dokumentaciju:

- popunjen Obrazac zahtjeva za ostvarivanje prava na podsticaj,
- Obrazac “A1”(kao dokaz da su grla obilježena u skladu sa Pravilnikom o obilježavanju životinja i šemi kontrole kretanja životinja („Službeni glasnik BiH“, broj 28/03).
- potvrdu da su mliječna grla pod zdravstvenim nadzorom (kopiju mliječnog kartona)

Napomena: Mliječni karton vrijedi 1 (jednu) kalendarsku godinu.

(Obrazac broj.5)

A/1-7 Podsticaj za držanje koka nosilja

(1) Za ostvarivanje prava na novčani podsticaj za držanje koka nosilja za proizvodnju konzumnih jaja korisnik mora ispunjavati slijedeće uslove:

- da je registrovan za obavljanje te djelatnosti (obrtnik ili pravno lice)
- da posjeduje najmanje 1.000 koka nosilja
- da su životinje pod nadzorom veterinarske organizacije
- da podnese zahtjev za podsticaj Sektoru za poljoprivredu, odnosno nadležnom kantonalnom ministarstvu najkasnije sedam dana od dana useljenja osamnestonedjeljnih pilenki ili jednodnevnih pilića za proizvodnju konzumnih jaja.

(2) Sektor za poljoprivredu, odnosno ovlašteni službenik je dužan u roku od 7 dana od dana podnošenja zahtjeva izvršiti obilazak korisnika i sačiniti zapisnik o utvrđenom broju koka nosilja.

(3) Visina podsticaja za držanje koka nosilja je 2,00 KM/kom.

(4) Za ostvarivanje prava na podsticaj korisnik najkasnije do 15.10.2009.godine kantonalnom ministarstvu dostavlja u originalu ili ovjerenoj kopiji slijedeću dokumentaciju:

- a) popunjen Obrazac zahtjeva, za ostvarivanje prava na podsticaj,
- b) račun o kupovini osamnestonedjeljnih pilenki ili jednodnevnih pilića od subjekta registrovanog za tu djelatnost (orginal).
- c) potvrdu ovlaštene veterinarske organizacije o zdravstvenom stanju životinja (Obrazac A/1-14).

(Obrazac br.6.)

A/1-8 Podsticaj za uzgoj ribe

(1) Za ostvarivanje prava na novčani podsticaj za uzgoj ribe korisnik mora ispunjavati slijedeće posebne uslove:

- da je pravno lice upisano u Registar kod nadležnog suda za navedenu djelatnost,
- ako proizvedu i prodaju najmanje 3000 kg konzumne ribe u toku 2009.godine,
- da su životinje pod nadzorom veterinarske organizacije u toku uzgoja,

(2) Visina podsticaja za uzgoj konzumne ribe je 1,00 KM/kg.

(3) Za ostvarivanje prava na podsticaj korisnik najkasnije do 01.11.2009.godine kantonalnom ministarstvu dostavlja slijedeću dokumentaciju:

- popunjen Obrazac zahtjeva za ostvarivanje prava na podsticaj,
- dokaz o provedenim veterinarsko-zdravstvenim mjerama u toku uzgoja,
- račun o prodaji konzumne ribe ovjeren u nadležnoj poreznoj upravi,

(Obrazac br.7.)

A/1-9 Podsticaj za držanje bosansko-brdskog konja

- (1) Za ostvarivanje prava na podsticaj za držanje bosansko-brdskog konja korisnik mora ispunjavati slijedeće uslove:
 - da drži (posjeduje) najmanje 1 (jednog) bosansko-brdskog konja (čiste pasmine)
 - da je životinja pod nadzorom veterinarske organizacije u toku držanja
 - da podnese zahtjev za podsticaj Sektoru za poljoprivredu, odnosno nadležnom kantonalnom ministarstvu najkasnije do 15.10.2009.godine.
- (2) Sektor za poljoprivredu, odnosno ovlašteni službenik je dužan u roku od 15 (petnaest) dana od dana podnošenja zahtjeva izvršiti obilazak korisnika i sačiniti zapisnik o utvrđenom broju grla.
- (3) Visina podsticaja za držanje bosansko-brdskog konja iznosi 250,00KM/grlu.

Za ostvarivanje prava na podsticaj korisnik kantonalnom ministarstvu dostavlja slijedeću dokumentaciju:

- popunjen obrazac zahtjeva za ostvarivanje prava na podsticaj
- potvrdu o zdravstvenom stanju životinje.

B/1 PODSTICAJI U BILJNOJ PROIZVODNJI

B/1-1 Proizvodnja rasadničkog materijala visokostablašica (kontinentalne voćne vrste: jabuka, kruška, trešnja, šljiva, višnja, kajsija, breskva, orah i lješnjak)

Pravo na novčani podsticaj imaju korisnici koji su upisani u Registar proizvođača sadnog materijala kod Federalnog ministarstva, a koji proizvedu sadnice koštičavog i jabučastog voća I klase, u skladu sa Zakonom o sjemenu i sadnom materijalu poljoprivrednog bilja, i ako proizvedu najmanje 20.000 komada deklariranih sadnica u toku 2009.godine. Podsticaj za proizvodnju rasadničkog materijala iznosi 0,30 KM po jedinici proizvodnje (komadu).

Korisnik podnosi zahtjev za novčani podsticaj Sektoru za poljoprivredu, najkasnije do **01.10.2009.godine**. Ovlašteni službenici Sektora za poljoprivredu su dužni da u roku od 30 dana od dana podnošenja zahtjeva izvršiti obilazak korisnika, sačiniti zapisnik o broju sadnica u proizvodnji i uložiti ga u predmet zahtjeva.

Za ostvarivanje prava na podsticaj korisnik će najkasnije do 01.11.2009.godine dostaviti zahtjev kantonalnom Ministarstvu privrede – Sektoru poljoprivrede uz slijedeću dokumentaciju:

- a) Rješenje o upisu u Registar proizvođača sadnog materijala kod Federalnog ministarstva,
- b) Zapisnik o proizvodnji deklariranih sadnica jabučastog i koštičavog voća sačinjen od strane ovlaštenog službenika Sektora za poljoprivredu,

- c) Uvjerenje o zdravstvenom stanju sadnog materijala, u skladu sa Pravilnikom o obaveznom zdravstvenom pregledu usijeva i objekata sjemena i sadnog materijala poljoprivrednog i šumskog bilja ("Službeni glasnik R BiH ", br.2/92 i 13/94),
- d) Uvjerenje o stručnom nadzoru nad proizvodnjom,
- e) Račun o prodatim sadnicama

(**Obrazac broj.8**)

B/1-2 Ostvarivanje novčanih podsticaja za održavanje voćnjaka kontinentalnog tipa

Pravo na novčani podsticaj stižu kandidati koji su podigli voćnjake u 2005,2006,i 2007-oj godini , minimalne površine 0,2 ha i više , i koji provode neophodne agrotehničke i pomotehničke mjere predviđenih u intenzivnoj voćarskoj proizvodnji i to: **I .Agrotehničke:**

- higijena voćnjaka koja podrazumjeva čišćenje voćnjaka od organskog i neorganskog otpada ,košenje trave u međurednom prostoru koja ne smije biti visočija od 10cm,
- obrada zemljišta u zoni korjenovog sistema frezanjem ili okopavanjem , kao i primjenom herbicida sa ciljem uspostavljanja dobrog vazdušno–vodnog režima , i uništavanje korova;
- đubrenje organskim i mineralnim đubrivima u trakama , koji je predviđen zajedno sa obradom zemljišta u stavu br.2
- zaštita od bolesti i štetnika po programu zaštite za pojedine vrste , a po preporuci stručnjaka iz oblasti voćarstva

II. Pomotehničke :

- Zimska rezidba
 - Ljetna rezidba
 - Savijanje grana
 - Pinciranje, rovašenje
- Podrška iznosi 1.500 KM /ha.

Kandidati za podsticaje kantonalnom Ministarstvu privrede (Sektor poljoprivrede) uz zahtjev dostavljaju u originalu ili ovjerenj kopiji slijedeću dokumentaciju:

- a) Posjedovni list i kopija katastarskog plana,odnosno Ugovor o zakupu ili Ugovor o koncesiji ,
 - b) Zapisnik ovlaštenih službenika Sektora za poljoprivredu
- Krajnji rok za podnošenje zahtjeva za ostvarivanje prava na novčane podsticaje je **31.07. 2009.godine**. Kandidati koji su dobili sadnice putem nekog od humanitarnih programa (donacija) nemaju pravo na podsticaj.
- c) Sve podsticajne mjere u ovom djelu odnose se na voćnjake podignute na osnovu standarda sadnje,

**Tabela (standardi sadnje B/1-3)
(Obrazac broj . 9)**

STANDARDI SADNJE

R/br. A	Vrsta voća Jabučasto, jagodičasto, koštičavo, jezgrasto i južno voće	Minimalan broj sadnica po ha	
		Intenzivna	Poluintenzivna
1.	Jabuka	1.600	400
2.	Kruška	1.200	500
3.	Kruška na sijancu	1.000	400
4.	Šljiva na vegetativnoj	1.200	500
5.	Šljiva na generativnoj podlizi	500	300
6.	Breskva	800	500
7.	Kajsija	650	200
8.	Nektarina	800	500
9.	Trešnja	1.000	300
10.	Višnja - kalemljena	1.000	500
11.	Višnja - oblačinska	1.200	500
12.	Lješnjak - kalemljeni	600	Xxx
13.	Lješnjak -izdanak	500	Xxx
14.	Smokva	300	150
15.	Maslina	300	150
16.	Šipak	500	300
17.	Badem	500	200
18.	Aktinidija	500	Xxx
19.	Malina	12.000	Xxx
20.	Kupina	3.000	Xxx
21.	Borovnica	2.200	Xxx
22.	Brusnica	50.000	Xxx
23.	Ribizla	8.000	Xxx
24.	Ogrozd	8.000	Xxx

B/1-3 Ostvarivanje novčanih podsticaja za zasnivanje zasada jagodičastog voća (jagode, maline,kupine,borovnice,brusnice ili ogrozda)

Pravo na novčani podsticaj stiču kandidati koji u 2009.godini zasnuju najmanje 0,2 ha i više , i to jagode, maline ,kupine,borovnice,brusnice ili ogrozda. Podsticaj za zasnivanje zasada iznosi 1.500KM /ha, broj sadnica po jednom ha ne može biti manje od propisanih standarda navedenih u tabeli datoj ovim uputstvima (**tabela br.B/1-3**). Kandidati za podsticaje kantonalnom Ministarstvu privrede (Sektor poljoprivrede) uz zahtjev dostavljaju slijedeću dokumentaciju:

- a) Posjedovni list i kopija katastarskog plana,odnosno Ugovor o zakupu ili Ugovor o koncesiji , najmanje na broj godina višegodišnjeg nasada ,
- b) **Za domaći sadni materijal:** kopija Uvjerenja o porijeklu, autentičnosti sorte i podloge koju je proizvođaču sadnog materijala izdala ovlaštena ustanova u skladu sa članom 44. stav 4. Zakona o sjemenu i sadnom materijalu poljoprivrednog bilja na obrascu koji je propisan Pravilnikom o

stručnom pregledu nad proizvodnjom poljoprivrednog sadnog materijala („Sl.novine F BiH“, broj 25/04), a kopija uvjerenja mora biti ovjerena od strane proizvođača sadnog materijala(navesti ime i prezime kupca, vrstu i količinu sadnica),

- c) **Za uvezeni sadni materijal:** kopija Uvjerenja o kvaliteti uvezenog sadnog materijala izdatog od strane nadležne ustanove u skladu sa članom 52.stav 3. Zakona o sjemenu i sadnom materijalu bilja („Sl. novine F BiH“, broj:55/01) (navesti ime i prezime kupca, vrstu i količinu sadnica),
- d) Kopija svjedodžbe o zdravstvenom stanju sadnog materijala u skladu sa Pravilnikom o obaveznom zdravstvenom pregledu usjeva i objekata sjemena i sadnog materijala poljoprivrednog i šumskog bilja („Sl.list BiH“, br.2/92 i 13/94) ,koju je izdala ovlaštena ustanova, ovjerena od strane proizvođača sadnog materijala.
- e) analiza zemljišta.
- f) Račun – faktura na ime korisnika
- g) Zapisnik uposlenika Sektora za poljoprivredu o podignutom zasadu jagodičastog voća

Krajnji rok za podnošenje zahtjeva za ostvarivanje prava na novčane podsticaje je **30.05.2009.** proljetna sadnja i **20.10.2009.** godine.jesenja sadnja. Kandidati koji su dobili sadnice putem nekog od humanitarnih programa (donacija) nemaju pravo na podsticaj.

(Obrazac broj.10)

B/1-4 Ostvarivanje novčanih podsticaja za proizvodnju konzumne jabuke

Pravo na ostvarivanje novčanih podsticaja imaju pravna i fizička lica(kooperanti) koja imaju zaključen Ugovor sa registrovanim prerađivačem ili otkupljivačem, a koja su registrovana kod nadležnog organa (Pravna lica). Minimalna količina koja se podstiče je 500kg., a iznos podsticaja za konzumnu jabuku je **0,09 KM/kg .**

Proizvođači konzumne jabuke dužni su kantonalnom

Ministarstvu privrede(Sektoru za poljoprivredu) uz zahtjev dostaviti slijedeću dokumentaciju:

- a) Račun za (pravna lica) odnosno otkupni list za (kooperante) o plasmanu konzumne jabuke organizovanom otkupljivaču - prerađivaču,
- b) izjava pod punom materijalnom i krivičnom odgovornošću o stvarnoj predatoj količini jabuke, te da je jabuka proizvedena na Bosansko-podrinjskom kantonu Goražde.
- c) Ugovor proizvođača jabuke sa organizovanim otkupljivačem (Pravna lica)

Prednost kod ostvarivanja novčanog podsticaja za proizvodnju konzumne jabuke standardnog kvaliteta imaju fizička lica (kooperanti).

Krajnji rok za podnošenje zahtjeva za ostvarivanje prava na novčane podsticaje je **30.11.2009.godine.**

(Obrazac broj.11)

B/1-5 Ostvarivanje novčanih podsticaja za proizvodnju u zatvorenom prostoru - plastenička proizvodnja

Pravo na novčani podsticaj imaju pravna i fizička lica koja su vlasnici poljoprivrednog zemljišta ili imaju zemlju u zakup, te da su registrovani kod nadležnog organa za datu proizvodnju (registarski list) .Podstiče se proizvodnja u zatvorenom prostoru na minimalnoj površini od 200 m² i više. Novčani podsticaj za plasteničku proizvodnju iznosi 2KM/m² i isplaćuje se na maksimalnu površinu od 2000 m².

Kandidati za ostvarivanje podsticaja kantonalnom Ministarstvu privrede (Sektor poljoprivrede) uz zahtjev dostavljaju slijedeću dokumentaciju:

- a) Posjedovni list i kopija katastarskog plana,odnosno Ugovor o zakupu ili Ugovor o koncesiji sa označenom parcelom na kojoj je zasnovana plastenička proizvodnja
- b) Zapisnik uposlenika Sektora za poljoprivredu o utvrđenim površinama pod povrtlarskim kulturama u zatvorenom prostoru

Krajnji rok za podnošenje zahtjeva za ostvarivanje prava na novčane podsticaje je **30.06.2009.godine**.

(Obrazac broj.12)

B/1-6 Ostvarivanje novčanih podsticaja za proizvodnju sjemenskog krompira

Pravo na podsticaje imaju kandidati koji su registrovani kod nadležnog suda za tu djelatnost i koji su upisani u Registar proizvođača sjemena,presadnica i micelija jestivih i ljekovitih gljiva kod Federalnog ministarstva,Registar dorađivača poljoprivrednog sjemena kod Federalnog ministarstva i koji zasiju sjeme kategorije elitno ili original i proizvedu sjeme krompira u skladu sa Zakonom o sjemenu i sadnom materijalu poljoprivrednog bilja.

Korisnici podsticaja za proizvodnju sjemenskog krompira kategorija elita i original , da bi ostvarili pravo na podsticaj moraju ostvariti proizvodnju na najmanjoj površini od 0,5 ha, i ostvari prinos od 10 t /hektaru.

- da podnesu zahtjev za novčani podsticaj , najkasnije do **30.06.2009.godine**
- ovlašteni službenik Sektora za poljoprivredu je dužan u roku od 30 dana od dana podnošenja zahtjeva izvršiti obilazak korisnika i sačiniti zapisnik o proizvodnji sjemenskog krompira, i uložiti ga u predmet zahtjeva.

Podsticaj za proizvodnju sjemenskog krompira, sa sorte liste kategorije elita ili original iznosi 1.300 KM/ha.

Za isplatu podsticaja kandidati dostavljaju uz zahtjev kantonalnom ministarstvu privrede (sektoru za poljoprivredu) najkasnije do **15.09.2009.godine**. slijedeću dokumentaciju:

- a) Popunjeni Obrazac zahtjeva za ostvarivanje prava na podsticaj,
- b) Rješenje o upisu u s Registar proizvođača sjemena,presadnica i micelija jestivih i ljekovitih gljiva kod Federalnog ministarstva
- c) Registar dorađivača poljoprivrednog sjemena kod Federalnog ministarstva

- d) Posjedovni list i kopija katastarskog plana , odnosno ugovor o zakupu zemljišta (ovjeren),
- e) uvjerenje o priznavanju sjemenskog usjeva po Pravilniku o stručnom pregledu sjemenskog usjeva („Sl. novine Federacije BiH “, broj. 14/04),
- f) svjedožba o zdravstvenom stanju sjemenskog usjeva, u skladu sa Pravilnikom o obaveznom zdravstvenom pregledu usjeva i objekata sjemena i sadnog materijala poljoprivrednog i šumskog bilja („Službeni glasnik R BiH“ broj:2/92 i 13/94),
- g) račun o nabavljenom sjemenu (najniža kategorija elitno sjeme)
- h) račun o uvezenom sjemenu kategorije „superelita“, „elita“ i „original“, odnosno o nabavljenom sjemenu kategorije „superelita“ i „elita“ za dalju aprobaciju.
- i) Dokument da je sjeme iskorišteno za vlastitu proizvodnju (otpremnica,izlaz robe)
- j) Zapisnik o proizvodnji sjemenskog krompira, sačinjen od strane ovlaštenog službenika Sektora za poljoprivredu

(Obrazac broj.13)

B/1-7 Ostvarivanje novčanih podsticaja za proizvodnju strnih žita(pšenica,raž,ječam,zob,heljda)

Pravo na novčani podsticaj imaju kandidati koji su zasijali najmanje 0,2 ha sa (pšenicom,raži,ječmom,zobi,heljdom) u proljetnoj ili jesenjoj sjetvi 2009.godine. Visina podsticaja za pomenute kulture je 300,00KM/ha.

Za ostvarivanje prava na podsticaj korisnik kantonalnom ministarstvu-Sektoru za poljoprivredu dostavlja slijedeću dokumentaciju:

- a) zahtjev za ostvarivanje prava na podsticaj
- b) posjedovni list i kopija katastarskog plana (za heljdu),odnosno Ugovor o zakupu zemljišta
- c) zapisnik ovlaštenog službenika Sektora za poljoprivredu o utvrđenim površinama pod žitaricama

Zahtjevi se dostavljaju najkasnije do **30.06.2009.**godine za proljetnu sjetvu i **30.11.2009.**godine za jesenju sjetvu.

(Obrazac br. 14)

B/1-8 Proizvodja gljiva (šampinjona)

Za ostvarivanje prava na novčani podsticaj za proizvodnju gljiva , kandidat ostvaruje pravo ako kvartalno zasnuju proizvodnju gljiva na najmanje deset tona (10 t) komposta i istu realizuje.

Uz zahtjev kandidat je dužan dostaviti:

- a) račun o kupovini komposta za svaki proizvodni ciklus
- b) dokaz o izvršenoj uplati po računu iz tačke a) ovog stava
- c) fitopatološki nalaz za kompost od strane nadležne institucije
- d) dokaz o registraciji (pravna lica,obrtnici)
- e) zapisnik ovlaštenog službenika Sektora za poljoprivredu o utvrđenim količinama komposta ubačenih u proizvodnju

Rok za podnošenje zahtjeva je deset dana po početku kvartala za koji se podnosi zahtjev. (**Obrazac broj. 15**)

C/1 OSTALI PODSTICAJI

C/1-1 Podsticaj za vještačko osjemenjavanje

Podsticaj za vještačko osjemenjavanje krava plodkinja ostvaruju ovlaštene veterinarske stanice ili privatne stanice koje su registrovane za obavljanje date djelatnosti kod nadležne ustanove. Podstiče se vještačko osjemenjavanje krava u iznosu od 5 KM kao participacija u cijeni određenoj od strane nadležne veterinarske stanice, a koju plaćaju vlasnici životinja.

Nadležne veterinarske stanice da bi ostvarile podsticaj za vještačko osjemenjavanje krava dužne su voditi knjigu evidencije o vještačkom osjemenjavanju krava, kao i spisak vlasnika čije su životinje osjemenjene.

Uz zahtjev neophodno je priložiti :

- a) rješenje o upisu u sudski registar
- b) potvrde o utvrđenoj gravidnosti grla

Rok za podnošenje zahtjeva za ostvarivanje podsticaja je **15.11.2009.** godine.

C/1-2 Dijagnostička ispitivanja zakonom predviđena

Sredstva namjenjena za ove svrhe koristiće se za dijagnostička ispitivanja na zarazne bolesti- zoonoze i druge, a sredstva će se realizovati na poseban način (Ugovori sa izvršiocima poslova).

C/1-3 Ostvarivanje novčanih podsticaja po participacijama

Pravo kandidovanja za ostvarivanje podsticaja po participacijama stiču kandidati koji obavljaju djelatnost iz oblasti primarne poljoprivredne proizvodnje od općeg interesa ili za interese Kantonalnog ministarstva.

Pod aktivnostima za koje se može kandidovati za participacije podrazumjevaju se :

- a) organizovanje sajmova, seminara, edukacija farmera isključivo iz primarne poljoprivredne proizvodnje
- b) nadoknade za rad zakonom formiranih komisija i podkomisija
- c) stručna usavršavanja od interesa za kantonalno ministarstvo (uposlenici Sektora za poljoprivredu)

Pravna i fizička lica koja žele konkurisati za ostvarivanje podsticaja po participacijama dostavljaju Kantonalnom ministarstvu privrede – Sektoru za poljoprivredu uz zahtjev slijedeću dokumentaciju:

- Program manifestacije za koju se podnosi zahtjev sa finansijskom konstrukcijom i traženi iznos novčanog podsticaja

Komisija Kantonalnog ministarstva – Sektora za poljoprivredu razmatra prispjele zahtjeve i donosi konačnu odluku o ostvarivanju podsticaja za participacije

C/1-4 Ostvarivanje novčanih podsticaja kao potpore Programima u svrhu poljoprivredne proizvodnje

Pravo na ovaj podsticaj imaju pravna i fizička lica za djelimičnu ili potpunu realizaciju projekata od strane ovog Ministarstva , a koja obavljaju djelatnost iz

oblasti primarne poljoprivrdene proizvodnje od opšteg interesa ili interesa Kantonalnog ministarstva .

Korisnici ovih sredstava uz zahtjev dužni su dostaviti slijedeću dokumentaciju:

a) Program

Komisija Kantonalnog ministarstva – Sektora za poljoprivredu razmatra prispjele zahtjeve (PROGRAME)i donosi konačnu odluku o ostvarivanju podsticaja.

C/1-5 Podsticaj za nabavku poljoprivrdene mehanizacije i opreme

Novčani podsticaj za nabavku (kupovinu) poljoprivredne mehanizacije ostvaruje kandidat koji u 2009-oj godini kupi poljoprivrednu mašinu i to (traktor, motokultivator sa ili bez odgovarajućih priključaka, aparata u stočarstvu – laktofriz, muzilica,pumpe koje se koriste u poljoprivredne svrhe,rezervni djelovi za pomenute mašine; motorii drugi djelovi)kao i ostale opreme u poljoprivrednim granama stočarstvu,vočarstvu,povrtlarstvu; minimalne nabavne vrijednosti 1.000,00KM. a maksimalne 20.000,00KM.

Novčani podsticaj za kupljenu mašinu , odgovarajuća priključna oruđa i navedenu opremu iznosi 20% od nabavne vrijednosti.

Krajnji rok za podnošenje zahtjeva je 31.10.2009. godine.

Uz zahtjev za ostvarivanje prava na novčani podsticaj kandidat uz zahtjev dostavlja slijedeću dokumentaciju:

- a) ovjerenu kopiju računa o kupovini mehanizacije ili opreme sa naznačenim PDV,
- b) ovjerenu kopiju saobraćajne dozvole za vozila koja podliježu registraciji
- c) registraciju poljoprivrednog proizvođača – registarski list .
- d) Zapisnik ovlaštenih službenika Sektora za poljoprivredu

Korisnik podsticaja je dužan Sektoru za poljoprivredu potpisati Izjavu u kojoj se obavezuje da kupljenu mašinu neće otuđiti u roku od tri godine.

(Obrazac broj.16)

C/1-6 Sufinansiranje Programa nabavke visokogavidnih junica

(1) Korisnik novčanih sredstava u iznosu od 50.000,00KM za sufinansiranje Programa nabavke visokogavidnih junica je Udruženje građana „ Farmer“ – proizvođača mlijeka .

Udruženje građana „ Farmer“ – proizvođača mlijeka je u obavezi nakon implementacije programa dostaviti kompletnu dokumentaciju o provedenoj proceduri odabira krajnjih korisnika i o utrošku sredstava dobijenih sufinansiranjem-podsticajem pomenutog Programa.

(2) Pored navedenog korisnik dostavlja i slijedeću dokumentaciju:

- račun o kupovini visokogavidnih junica,
- potvrdu da je junica pod zdravstvenim nadzorom,

a. Za junice iz uvoza

- carinsku deklaraciju za uvezena grla,
- pedigre
- potvrdu o provedenom karantinu

b. Za junice iz domaćeg uzgoja

- pedigre (ili potvrdu nadležne veterinarske organizacije)
- potvrdu o vještačkom osjemenjavanju izdatu od ovlaštene veterinarske organizacije, a ista treba da sadrži utvrđenu gravidnost junice od najmanje 5(pet) mjeseci, broj ušne markice, ime i pasminu bika kojim je osjemenjena,

3/1-22 Rezervna sredstva

Ova sredstva će se koristiti u slučaju potrebe za povećanjem obima utvrđenih novčanih podsticaja u primarnoj poljoprivrednoj proizvodnji ili kao interventna sredstva za uklanjanje posljedica koje su nastale od prirodnih ili drugih nesreća , o čemu će se donositi posebna Uredba sa kriterijima za ostvarivanje prava na novčani podsticaj (u slučaju elementarnih nepogoda), a Odluku za ova sredstva donosi Vlada na prijedlog Kantonalnog resornog Ministra.

Sredstva namjenjena podsticajima mogu se po potrebi preusmjeravati iz jedne grane u drugu. Realizacija zahtjeva za ostvarivanje podsticaja u primarnoj poljoprivrednoj proizvodnji vršit će se do utroška naznačenih sredstava.

Broj:04-14- /09
Goražde, _____ 2009.god.

MINISTAR

Mustafa Kurtović prof.